

خَطِ يَهُودَا

دُعا و سلام

۱ از طرفِ يَهُودَا غُلامِ عيسَى مَسِيحِ و بِرَارِ
يَعْقُوبِ بَلَدِهِ كُويِ شُدِه هَايِ كِه دَ نَظَرِ خُدا
يَعْنِي آتِه آسْمَانِي دُوسْت-دَشْتَنِي آسْتِه و دَ عيسَى
مَسِيحِ حِفْظِ شُدِه: ۲ رَحْمَتِ، سَلَامَتِي و مُحَبَّتِ
پَرِيْمُو نَصِيْبِ شُمُو شُنِه.

باخبرِ كدو دَ بارِه مَرْدُمَايِ بِي خُدا

۳ آيِ عَزِيْزَا، مَا كَلُو شَوْقِ دَشْتُمِ دَ بارِه نِجَاتِي
بَلَدِهِ شُمُو نُوِشْتِه كُنْمِ كِه پِگِ مَوِ دَزُو شَرِيْكِ
آسْتِي، مِگَمِ دَ عَيْنِ وَخْتِ لَازِمِ دَنِسْتُمِ كِه چِنْدِ خَطِ
نُوِشْتِه كَدِه شُمُو رِه تَشْوِيْقِ كُنْمِ تَا دَ بارِه اِيْمَانِي
كِه يِگِ بَارِ بَلَدِهِ هَمِيْشِه دَ مُقَدَّسِيْنِ دَدِه شُدِ،

سخت کار کنید. ^۴ چون بعضی کسا تاشکی
 دَ بَینِ شُمُو جَای گِرفته که از قَدِیمِ مَحکُومِیتِ
 ازوا پِیشِ بَینی شُدِه. اونا مَرُدِ مَای بَی خُدا آسْتِه
 که پِیغامِ فِیضِ خُدا ی مو ره بَلدِه فِسق-و-فِساد
 خُو کَجِ مَعنی مُونِه و یگانِه بَادار و مَولای مو
 عِسی مَسیح ره اِنکار مُونِه.

^۵ اگِرچِه شُمُو ازی چِیزا باخبر آسْتِید، ولِی
 مِیخائِیم دَ یاد شُمُو بَیرُم که خُداوند قَومِ اِسرائِیل
 ره از سَرزَمینِ مِصر نِجات دَد، مگم بَعد از
 یگِ زمان کسای ره که ایمان نَورِد نَابُود کد.
^۶ امی رَقمِ مَلائِکِه های که مَقامِ خُو ره نِگاه
 نَکد، بَلکِه جَایگَای مَناسِبِ خُو ره ایلِه کد، خُدا
 اونا ره دَ زنجیرای اَبَدی دَ تَرِیکی تیره بَلدِه
 قِضاوَتِ دَ رَوزِ بُزُرگِ نِگاه کده. ^۷ دَ اَمزی رَقم
 سَدُوم و عَمُورِه و آغِیلای گِردو بَرِ شِی که مِثَلِ
 ازوا خُود ره تَسَلِیمِ فِسادِ اَخلاقِی کد و پُشتِ
 جِنسِ غَیرِ طَبِعی رَفت، دَ عِنوانِ نَمُونِه عِبرَتِ
 دَ آتِشِ اَبَدی سوختِه و جَزا دِیدِه مورِه.

^۸ لیکن باوجودِ ازی، امی کسای ام که خاو
 دیده مورِه، جسم های خُو ره نَجِس مُونه
 و قُدْرَت-و-اِخْتِیَارِ اِلْهِی ره رَد کده دَ ضِدِ
 حُکْمَرَانای^۹ آسْمَانی کُفْرگویی مُونه،^۹ دَ حَالِیکِه
 حتّی میکائیل ملایکِه اعظم، وختیکِه دَ بارِه
 جَسَدِ مُوسَى قَد اِبْلِیسِ جَر-و-بَحْثِ مُوکِد، جُرَات
 نکد که او ره محکوم دَ کُفْرگویی کُنه، بلکه
 گُفت: "خداوند تُو ره سرزنش کُنه!"^{۱۰} لیکن
 ای مرْدَم دَ ضِدِ چیزای که نَمُوفامه بدگویی مُونه
 و چیزای ره ام که رِقْمِ حَیْوَانای بے وَقُوفِ طَبِیْعَتاً
 مُوفامه، دَ وَسِیْلَه اَزْوَا نَابُودِ مُوشِه.^{۱۱} وای دَ
 حَالِ اَزْوَا، چرَاکه اُونَا دَ رَاهِ قَائِنِ † رفته و خودون
 ره بخاطرِ فایده دَ گُمراهی بِلْعَامِ † گِرِفْتار کده و
 دَ یَاغِیْگِرِی قُورَحِ # نابُودِ شُدِه.^{۱۲} امی آدما دَ

^a ۸:۱ «حُکْمَرَانای آسْمَانی» اِمْکَانِ دَرِه «ملایکِه های
 بَشِه که دَ شَیْطُو تَعْلُقِ دَرِه.»

† ۱۱:۱ پیدایش ۴. † ۱۱:۱ عَدَدِها ۲۲-۲۵.

۱۱:۱ عَدَدِها ۱۶.

مِهمانی های پُر مُحَبَّتِ شُمُو رَقِمِ مار های مَنِه
 اَسْتِین^a اَسْتِه که بے پِروا قَد شُمُو سِرِ دِسْتَرخو
 شِشْتِه خودون ره سیر مُونِه. اُونَا مِثْلِ اَوُر های
 بے بارش اَسْتِه که دَ وَسِیلَه باد بُرْدِه مُوشِه؛ اُونَا
 رَقِمِ دِرختای تیرماهی بے میوه اَسْتِه که کَامِلًا
 مُرْدِه و از رِیشِه کَنْدِه شُدِه. ۱۳ اُونَا جَلِپِه های
 سِرکَشِ دِرِبا اَسْتِه که رَسوایی خُو ره رَقِمِ قَف
 اَلّی باله بُر مُونِه و سِتاره های سِرگَرْدو اَسْتِه که
 تَرِیکی تیره تا اَبَد بَلْدِه ازوا مُقَرَّر شُدِه.

۱۴ دَ بارِه امزیا حَنوُخ هَفْتُمِین نَسْلِ اَدَمِ
 پِیشگویی کَدِه کُفْت: ”اینه، خُداوند قَد هزاران
 هزار مُقَدَّسِین^b خُو مِیِه † ۱۵ تا دَ بِلِه پَگ
 قِضاوَت کُنِه و تَمَامِ بے خُداها ره بَخاطِرِ تَمَامِ

^a ۱۲:۱ دَ جای «مار های مَنِه اَسْتِین» دَ زِیونِ یونانی
 «قاده های تاشه شُدِه» نَوِشْتِه یِه که امی قاده ها دَ زِیرِ
 اَوِ دِرِبا تاشه یِه و اَکْثَرِ وختا کِشْتی ها ره غَرَقِ مُو کُنِه.
^b ۱۴:۱ اِمکانِ دَرِه که «مُقَدَّسِین» مِلایکه ها بَشِه.

† ۱۴:۱ مَرَقَسِ ۸:۳۸.

کارای بے خُدایی کہ اونا دَ مُطابِقِ بے خُدایی خُو
 کده و بخاطرِ پگِ تورای زِشت کہ گُناہکارای
 بے خُدا دَ ضِدِ اَزُو گُفته، محکوم کُنه. " ۱۶ امیا
 کسای آسته کہ نِقِ نِقِ و شِکایتِ مونه و مُطابِقِ
 خَاهِشَاتِ نَفْسِ خُو رفتارِ مُوکُنه. امیا تورای
 کُته کُته مُوگیه و دَ پِیشِ مَرْدُمِ بخاطرِ فایده خُو
 چاپلوسی مُوکُنه.

اخطارها و نصیحت های آخر

۱۷ مگم شُمو آی عزیزا، تورای ره که رَسُولای
 مَوْلای مو عیسیٰ مسیح پیشگوی کد دَ یاد
 دَشته بَشید، ۱۸ چُون اونا دَز شُمو گُفته: " دَ
 زَمَانِ آخِرِ مَرْدُمای رِیشخندگر مییه که مُطابِقِ
 خَاهِشَاتِ بے خُدایی خُو رفتارِ مونه. " ۱۹ امیا
 کسای آسته که دَ مینکل شُمو تفرقه میندزه؛
 امیا مَرْدُمای نَفسانی آسته که روح خُدا دَز شی
 و جُود ندره.

۲۰ مگم شُمو، آی عزیزا، خودون ره دَ وسیله
 ایمانِ بے اندازه مُقدَّس خُو آباد کُنید و دَ هدایتِ
 روحِ اَلْقُدُس دُعا کُنید ۲۱ و خودون ره دَ مُحَبَّتِ
 خُدا نِگاه کده چیم دَ راهِ رَحْمَتِ مَوْلایِ مو
 عیسیٰ مَسِیحِ بَشِید که شُمو ره دَ زِندگی اَبَدی
 راهنمایی مونه. ۲۲ دَ حَقِ کَسایِ که دِل-و-نادِل
 آسته دِلسوز بَشِید. ۲۳ بعضی ها ره از آتِش بُر
 کده نِجاتِ بَدید؛ دَ بعضی های دِیگه قد ترس
 مِهْربانی کُنید، لیکِن دَ عَینِ حال، از کالایِ که
 قد جِسمِ های ازوا اَلْوَدَه شُدَه نَفَرَتِ کُنید.

حمد-و-ثنا دَ خُدا

۲۴ آلی دَ خُدایِ که مِیْتَنه شُمو ره از اُفْتَدو
 نِگاه کُنه و شُمو ره بے عَیب و خوشحال دَ حُضُورِ
 پُرْجَلالِ خُو قرارِ بَدیه، ۲۵ یعنی دَ خُدایِ یکتا و
 نِجاتِ دِهِنْدِه مو، دَ وسیله عیسیٰ مَسِیحِ مَوْلایِ
 مو، از اَزَل تا آلی و تا اَبَد اَلْاَباد، بُزُرگی-و-جَلال،
 شِکوه، قُدْرَت و اِخْتِیار باد. آمین.